

wis 2c. 2. Petri 1. Machet ewern beruff ge
wis.

Also ist David ein Dufam/ ders gewis
hat in der verheiffung/ vñ gleybts dazu auch
fest/ das Messia/ den Gott dem Patriarchen
Jacob verheiffen hat (Gen 49. Es sol der
scepter von Juda nicht weg komen / bis das
der Silo kompt) gewislich von seinem blut
komen solt / Vnd ist hie mit die verheiffung
vom Messia/ Jacob geschehen/ in David ver
newet vnd klerer gegeben (wie folgen wird)
das man nu hinfurt den stam Juda / zu beis
den seitten gehen lesst / vnd allein auff's Da
uids haus sehen mus. Als aus welchem/ vnd
keinem andern hanse im stam Juda / Messia
komen mus auff's aller gewisfest. Doch ob
wol die zwey stück/ Verheiffung vnd Glaube
bey einander sein müssen/ Denn wo nicht ver
heiffung ist/ da kan kein glaube sein. Vnd wo
nicht glaube ist / da wird die verheiffung zu
nicht. Der glaube aber nicht alle zeit gleich
feste/ sondern zu weilen angefochten vnd sch
wach wird / Die verheiffung aber / als das
ewige Gottes wort / jmer fur vnd fur gleich
fest vnd gewis bleibt. Darumb heisst David
fur nemlich daher Dufam / gefestiget/ das
er die feste verheiffung hat/ ob er gleich / die
selbigen/ on glauben nicht halten oder fassen
kan/ Er mus auch da sein/ das ist vom ersten
gesagt.

B ij Sum